



Inatsisartuni ilaasortaq Andreas Uldum
Demokraatit

**§ 37 naapertorlugu apeqquteqaatinut GU-mut ilinniartitaanernilu kisitsi-
sinut tunngasunut akissuteqaat 2014-47**

10-03-2014
Sags nr. 2014-096755
Dok. nr. 1510172

Paasissutissat Inerisaavimmi meeqqat atuarfianniit naammassisunut nalunaarsuiffim-
miit, ilinniagaqarnersiuteqartitsiviup MR-registerianiit ulloq 22/1 2014, kiisalu GUX-imut
isernissamut misilitissimanermut paasissutissaniit aaneqarput.

Postboks 1029
3900 Nuuk
Alf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

Naalakkersuisunut apeqqut:

**1. Meeqqat aturafianni angajullit atuartut, 2011-mi, 2012-mi aamma 2013-mi
atuarunnaartut akornanni procentit qassit atuaqqippat imaluunniit inuutis-
sarsiutigiligassaminnut ilinnialerpat? Akissummut ilannguteqquneqarput ki-
sitsisinngortitsilluni takussutissat, ersarissumik takuneqarsinnaaqqullugu,
qassit aallartissimanersut, suut aallartissimaneraat aamma qassit meeqqat
atuarfianniit ingerlaqqinngitsoorsimanersut.**

Akissut:

*Meeqqat atuarfianniit 2011-imi, 2012-imi aamma 2013-imi atuarunnaartunit ilinniakkamik
ingerlatsilersimasut 2014-imi januari qaammat suli ilinniagaqartut ataani tabel 1-imi taku-
tinneqarput. Tamatumalu saniatigut meeqqat atuarfianniit naammassereerlutik ilinniak-
kamik aallartitsigaluarsimasut kisiannili piffissap ingerlanerani taamaatiinnarsimasut
amerlassusii takutinneqarput. Kingulliullugit takutinneqarput meeqqat atuarfianni naam-
massisimasut 2014-imi januarip qiteqqunna tikillugu ilinniakkamik aallartitsisimanngit-
sut. Tabel 2-mi kisitsisit procentinngorlugit takutinneqarput.*

**Tabel 1: Meeqqat atuarfianni atuarnerminnik naammassisut amerlassusiat ilinniakkamik
ingerlatsilersimasut / ingerlatsilersimannngitsut 2011-2013**

Meeqqat a- tuarfianni naammass- siffik	Ilinniagaqarput			Siusinneru- sukkut Ilin- niagaqara- luarput	Suli ilinniaga- qalinngitsut	Katillugit
	GUX	EUD	Katillugit			
2011	250	59	309	82	405	796
2012	183	35	218	59	481	758
2013	87	14	101	15	683	799

Tabel 2: Meeqqat atuarianni naammassinikut ilinniarfinni / ilinniarfiit avataanni, 2011-2013

Meeqqat atuarianni naammassiffik	Ilinniagaqarput			Siusinnerusukkut ilinniagaqaruarput	Suli ilinniagaqalinngitsut	Katillugit
	GUX	EUD	Katillugit			
2011	31%	7%	39%	10%	51%	100%
2012	24%	5%	29%	8%	63%	100%
2013	11%	2%	13%	2%	85%	100%

2. Ukiuni 2011-mi, 2012-imi aamma 2013-imi qassit GU-mi aallartinnissaminut itigartinneqarpat?

Akissut:

Siullermik erseqqissaatigineqassaaq gymnasiami ilinniartitaanernik nalinginnaasunik iluarsaaqqinnermi taaguutaa (GU) aammalu gymnasiami inuussutissarsiornermut sam-mivilimmik ilinniartitaanerit (HHX aamma HTX) allanngortinneqarmata GUX-inngortillugit. Paasissutissat ilinniagaqalernissamut qinnuteqartuni ukiumut siullermut tunngasut kisimik ilanngunneqarput, GUX-imi ukiunik pingasuni sivilissusilimmi.

Ilinniagaqalertussanik tiguisarnermi periaatsit

Gymnasiami ilinniartitaanernik iluarsaaqqinneq 2012-imi atortuulersinneqarpoq, tamatumalu ilaatigut kingunerisaanik ilinniagaqalertussanik tiguisarnermi periaatsit allanngortinneqarput.

Gymnasiami ilinniartitaanernik iluarsaaqqinneq sioqqullugu nakerisarsiuungitsumik inatsisitigut piumasaqaateqartoqanngilaq. Qinnuteqartut, meeqqat atuarianni atuarnermik naammassinniinnarlutik gymnasiami ilinniartitaanernut iserniartut, meeqqat atuarianni misillitsissimasut (FA) / meeqqat atuarianni annertusisamik misillitsissimasut, fagini kalaallisut, qallunaatut, matematik, tuluttut aamma fysik / kemi, tamatumalu saniatigut meeqqat atuarianniit ilinnialernissamut piukkunnaatilittut oqaasertaliiffigineqarsimasut, inatsisitigut ilinniagaqalernissamut tiguneqartussatut pisinnaatitaaffeqarput. Qinnuteqartut allat tamarmik taamaallaat ilinniartunngorsinnaapput ilinniarnertuunngorniarfiup naliinera tunngavigalugu, ilinniartunngorniarput piffissaliussaareersup iluani ilinniarnermik naammassinnissinnaaneramik. Taamaattumillu ilinniartunngorsinnaanermut piumasaqaatit gymnasiamiit gymnasiamut assigiinngissuteqarsinnaapput. Tamatumalu kingunerisaanik paasissutissiissutigineqarsinnaanngilaq ilinnialersinnaanermut itigartitsinerit inissaqartitsinnginnermik pissuteqartut aamma itigartitsinerit piginnaanikippallaarnermik pissuteqartut qanoq inissisimanersut, paasissutissat pineqartut ersernerluttumik inissisimmata.

Iluarsaaqqinnerup kingorna atuartut meeqqat atuarianni 10. klassimi minnerpaamik E-mik piginnaassutsimikkut karakterimik angusaqarsimasut, inaarutaasumik misillitsinerminni aamma suliniummi suliarisimasaminni GUX-imi ilinniartunngornissaminut inatsisitigut pisinnaatitaaffeqalerput, meeqqat atuarianni naammassereernerminniit kingusinnerpaamik ukiut marluk qaangiunneranni qinnuteqarunik. Rektori piumasaqaataasunik saneqqutsinnaatitaavoq, ilinniartunngornissamillu neqerooruteqarluni, ilinniarfik inissaqartitsippat.

Allat tamarmik ilinniartunngornissaminut inatsisitigut pisinnaatitaaffeqanngillat, kisiannili taakkua periarfissaqarput ilinniartunngorniarlutik misillitsinnissaminut. Qinnuteqartut misillitsinnerminni angusisimasut GUX-imi ilinniartunngorsinnaapput, ilinniarfimi iser-

nissamut inissaqartitsisoqarpat. Ilinniarnertuunngorniarfinni nuna tamakkerlugu ilinniar-nissamut inissat pigineqartut tamakkiisumik iluaqutigineqarnissaat ataatsimiititaliamit inissanik agguaaassisartumit isumannaarneqartassaaq, ilinniagaqalernissamut qinnute-qartut piginnaanillit ilinniarnertuunngorniarfinnut agguaanneqartarnerisigut, taamaalior-nikkut qinnuteqartut fagitigut inuttullu piginnaaneri ilinniarnertuunngorniarfinni periarfis-sanut naapertuuttumik naleqqussarneqarsinnaammata. Iluarsaaqqinnerup kingorna qinnuteqartunut itigartinneqartartunut tunngasumik naammattunik piginnaaneqanngin-neq aammalu inissanik amigaateqarneq tunngavigalugu pisut tamarmik immikkut nalu-naarsorneqartalerput.

Paasissutissat pigineqartut iluarsaaqqinneq sioqqullugu pisut aamma iluarsaaqqinnerup kingorna pisut imminnut sanilliunneqarsinnaanngimmata, ataani akissummi paasissutis-sat iluarsaaqqinnerup kingornaneersut kisimik ilaatinneqarput. (2012 aamma 2013).

Qinnuteqaatit aamma itigartitsinerit

Piffissami matumani paasissutissaateqartoqanngilaq GUX-imi ilinnialernissamut tigune-qarsimasut ilinnialernissaminnik GUX-imi aallartitsisimangitsut pillugit. Piffissami ma-tumani taamaallaat qinnuteqartut amerlassusaat kiisalu ilinniarnerminnik aallartitsisut amerlassusaat nalunaarsorneqarsimallutik pigineqarput. Arlaqarput GUX-imi ilinnialer-nissamut tiguneqartartut, kisiannili arlaannik pissuteqartumik aallartinniaratik aalajanger-tartut. 2012-imi aallartinniaratik nalunaartut 77-iupput, ilinniarnertuunngorniarfinniit paasissutissat kater-sorneqarsimasut naapertorlugit.¹

Kisitsisit paasissutissat ataaniittut qinnuteqartut amerlassusiannik ersersitsipput; taak-kunani qassit inatsisit naapertorlugit tiguneqarnissaminnut pisinnaatitaaffeqarnerisut ilanngullugit. Qinnuteqartut tamarmik inatsisit naapertorlugit tiguneqarnissaminnut pisin-naatitaaffeqartut GUX-imi tiguneqartussaapput. Qinnuteqartunit inatsisit naapertorlugit tiguneqartussaasunit 77-it 2013-imi ilinniarnerminnik aallartitsinngillat, inatsisit tunngavi-galugit piumasaqaatinik naammassinninnginnamik. Inunnit ilinniarnertuunngorniar-nissamut misilitsinnerminnik 2013-imi angusisunit 49-ut GUX-imi aallartinngillat. 2012-imi kisitsit 64-iuvoq. Tamanna pissuteqarsinnaavoq qinnuteqartut tiguneqarsimasut, kisiann-ili ilinniarnerminnik aallartitsinatik, imaluunniit qinnuteqartut inissanik amigaateqarner-mik pissuteqartumik tiguneqarsimangitsut. Tamatumalu saniatigut misilitsinnissaq aq-putigalugu qinnuteqartut takkutinnitsoorsimasulli imaluunniit angusinnitsoorsimasut itigartinneqartarput. Taakkua 2013-imi 210-upput, 2012-imulu 164-iullutik.

Tabel 3: Qinnuteqaatit amerlassusaat, tiguneqarnissamut misilitsissimasut aamma aallar-tissimasut / aallartissimangitsut GUX-imi, 2012+2013

	2012	2013
Qinnuteqaatit		
Qinnuteqaatit katillugit	820	839
Taakkunanga inatsisitigut pisinnaatitaaffillit	392	356
Tiguneqarnissamut misilitsittut		
Misilitsinnissamut takkuttut	377	386
Misilitsinnermi angusisut	264	273
Angusisut procentinngorlugu	70%	71%

¹ 2013-imut kisitsisit paasissutissat pissarsiarineqarsinnaasimangillat

GUX-imi ilinniarnermik aallartitsisut		
Inatsisitigut pisinnaatitaaffik aqputigalugu	328	279
Isemisamat misilitsinnikkut	200	224
Katillugit	528	503
GUX-imi ilinnialernissamik aallartitsinnqitsut		
Inatsisitigut pisinnaatitaaffik aqputigalugu	64	77
Misilitsinnikkut angusillutik	64	49

3. Itigartitsinermut suna pissutaasuni pingaarnersaava aamma Naalakkersuisut nalilersinnaanerlugu qassit itigartitaasimanersut ilinniartut inissaqartinneqannginnerat pissutaalluni?

Akissut:

GUX-imi ilinnialernissamat itigartitsinerni pingaarnersutut pissutaapput:

- *Inatsisitigut pisinnaatitaaffeqarnermik tunngavilimmik qinnuteqartut inatsisini piumasarineqartunik naammassinninnginnerat.*
- *Misilitsinnikkut ilinniarnertuunngornialernissamat qinnuteqartut misilitsinnissamat takkussimannginnerat imaluunniit angusisimannginnerat.*

GUX-imi ilinniagaqalernissamat inissat amerlassusiat naammappoq qinnuteqartunut inatsisitigut piumasaqaatinik naammassinnittunut. Taamaallaat inuit misilitsinneq tunngavigalugu ilinniagaqalernissamat angusisimasut kisiannili ilinniarnermik aallartitsimanngitsut tunngaviatigut itigartinneqarsimapput inissat amigarnernannik pissuteqartumik.

Inussiarnersumik inuulluaqqusillunga

Nick Nielsen